



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Antonii Bynaei de Calceis Hebraeorum Libri Duo**

**Bynaeus, Anthony**

**Dordraci, 1682**

Apud Hebræos vestes pelliceæ in frequenti usu.

**urn:nbn:de:hbz:466:1-12835**

*Hædina tibi pelle contegenti,  
Nudæ tempora verticemque calvæ,  
Festive tibi, Phœbe, dixit ille,  
Qui dixit caput esse calceatum.*

Sed quod mireris, calceorum ex Hyænæ pelle meminit Oppianus, quibus tantam adscribit virtutem, Oppian. cyneg. lib. 3. ut si quis calceatus hyænæ pelle incesserit, adeo canibus sit metuendus, ut ipsi obmutescant nec audeant allatrare.

Multa quidem veteres prodiderunt de Hyænæ in canes odio, & quod isti animalium generi sit infestissima, quæ vir summus Samuel Bochartus observavit, an vero ea sit virtus pellis Hyænæ, merito dubitamus. Et tamen simile quid refert Plinius, qui asserit eos, qui *hyænæ linguam in calceamento sub pede habeant, non latrari à canibus.* Bochart. Hierof. p. I. pag. 832.

VI. Uti apud veteres magnus fuit pellium in consuendis calceis usus, ita & Hebræos ex pellibus sive corio gestasse calceos putamus. Fuerunt in ea gente vestes pelliceæ in frequenti usu. Patriarchæ plerique pellibus tecti incesserunt. Ambularunt enim *ἐν μηλωταῖς, ἐν αἰγείοις δέρμασιν* in ovillis & caprinis pellibus,

30 De CALCEIS HEBRÆOR.

Hebr. II.  
37.

2. Reg. I. 8.

Hieron. in  
Epist. ad  
Eustochium de  
custod. Virgin.

A & 9. 43.  
& 10. 5.

pellibus, ut docet auctor Epistolæ ad Hebræos. Qui quidem habitus fere ordinarius Prophetarum fuit, quorum villosa vestimenta memorantur, ut de Elia est notissimum. Sed hac de re plura jam alii observarunt, & nos in majori opere, quod de Re Vestiaria Hebræorum est, si Deus voluerit, prolixius differemus. Quis dubitabit, cum inter Hebræos pellicearum vestium frequens fuerit usus, etiam ex corio sive pellibus eos calceos gestasse, cum nihil magis fuerit obvium, atque ad usum calceorum aptius, quomodo & hodie vulgatissima materia, qua calceantur pedes, corium habetur. Ita credidisse videtur Hieronymus, qui Christum discipulis *vincula pellium* interdixisse dicit: *Discipuli, inquit, sine calceamentorum onere, & vinculis pellium ad prædicationem novi Evangelii destinantur.* Juvat conjecturam, quod alibi mentio fiat *Σιμων & βύσσας* (nam *βύσσας* est coriarius, ut glossæ habent, quomodo *נדר* pro coriario adhuc usurpant Thalmudici, qui coria tractat conficiendis calceis) sed maxime quod  
Gibe.